



განრიდების პროგრამების
(განრიდების/განრიდებისა და მედიაციის პროგრამის)
2018 წლის ანგარიში

სსიპ „დანაშაულის პრევენციის ცენტრი“
განრიდებისა და მედიაციის სამმართველო

თბილისი
2018

შინაარსი

შესავალი	3
ზოგადი ინფორმაცია პროგრამის განვითარების შესახებ.....	4
2018 წელს განხორციელებული მნიშვნელოვანი აქტივობები	6
პროგრამების შედეგები (სტატისტიკური მონაცემები).....	7
განრიდებულ პირთა ხელშეკრულების ხშირად გამოყენებული პირობები	22

შესავალი

საქართველოს იუსტიციის სამინისტროს მმართველობის სფეროში მოქმედი სსიპ „დანაშაულის პრევენციის ცენტრი“, როგორც განრიდების პროგრამების ზოგად მენეჯმენტზე პასუხისმგებელი უწყება, ყოველწლიურად, სამთავრობო, არასამთავრობო და საერთაშორისო ორგანიზაციებთან ურთიერთანამშრომლობით ახორციელებს სხვადასხვა აქტივობებს განრიდების მექანიზმის გაძლიერების მიზნით. აღნიშნული აქტივობები მოიცავს როგორც საგანმანათლებლო ღონისძიებებს პროკურორების, პრობაციის ეროვნული სააგენტოს სოციალური მუშაკების, მედიატორებისა და მოსამართლეებისათვის, ასევე სხვადასხვა სახის ანალიტიკურ საქმიანობას, სტატისტიკური მონაცემების დამუშავებასა და ანალიზს, უწყებათაშორის მონიტორინგის ღონისძიებებს, ჩართულ სპეციალისტებსა და ორგანიზაციებს შორის კოორდინაციის გაძლიერებას, საგრანტო პროექტების დაფინანსებას ბენეფიციართათვის სერვისების გაფართოების და არასამთავრობო სექტორის გაძლიერების მიზნით, ასევე სხვა მნიშვნელოვან აქტივობებს.

წინამდებარე დოკუმენტი წარმოადგენს 2018 წლის ანგარიშს და მასში წარმოდგენილია პროგრამის განვითარების შესახებ მოკლე ინფორმაცია, 2018 წელს განხორციელებული მნიშვნელოვანი აქტივობები და განრიდების პროგრამების დეტალური სტატისტიკა.

ანგარიშში მოცემული ინფორმაცია საინტერესოა როგორც იურისტებისათვის, ასევე სოციალური სფეროს წარმომადგენლებისათვის, პედაგოგების, მკვლევარების, სტუდენტებისა და აღნიშნული სფეროთი დაინტერესებული ნებისმიერი პირისათვის.

ზოგადი ინფორმაცია პროგრამის განვითარების შესახებ

განრიდების/განრიდებისა და მედიაციის პროგრამის მენეჯმენტს სსიპ „დანაშაულის პრევენციის ცენტრი“ 2012 წლიდან ახორციელებს. 2013 წლამდე, პროგრამა მოქმედებდა საპილოტე რეჟიმში და ეტაპობრივად ემატებოდა საქართველოს სხვადასხვა ქალაქები, ხოლო 2013 წლის აგვისტოდან კი - მოქმედებს მთელი საქართველოს მასშტაბით.

განრიდების პროგრამები 21 წელს მიულწეველი პირისათვის წარმოადგენს ერთ შანსს, გარკვეული პირობების შესრულების სანაცვლოდ, განაგრძოს ცხოვრება ნასამართლობის, სასჯელის გარეშე, დაიწყოს კანონმორჩილი ცხოვრება და გადადგას ნაბიჯი წარმატებული მომავლისკენ. პროგრამა ეფექტური საშუალებაა 21 წელს მიულწეველი პირისათვის მართლშეგნების ხელშეწყობის, მისი რესოციალიზაციისა და კანონსაწინააღმდეგო ქმედებით დაზარალებულ პირთა ინტერესების დაკმაყოფილების თვალსაზრისით.

განრიდება/განრიდება და მედიაცია ეყრდნობა აღდგენით მართლმსაჯულების კონცეფციას, რომელიც მაქსიმალურად ითვალისწინებს დამნაშავისა და დაზარალებულის ინტერესებს, მიმართულია დანაშაულის პრევენციაზე და ზრუნავს საზოგადოების, როგორც მთლიანობის გაჯანსაღებაზე.

თუ არსებობს დასაბუთებული ვარაუდი, რომ 21 წელს მიულწეველმა პირმა ჩაიდინა დანაშაული, პროკურორი უფლებამოსილია არ დაიწყოს/შეწყვიტოს სისხლისსამართლებრივი დევნა და მის მიმართ გამოიყენოს განრიდების მექანიზმი. 21 წელს მიულწეველი პირის განრიდების შესახებ გადაწყვეტილების მიღების შემდეგ პროკურორი დაუკავშირდება პრობაციის ეროვნულ სააგენტოს, რომელიც უზრუნველყოფს საქმის კონკრეტული სოციალური მუშაკისთვის დაწერას. სოციალური მუშაკი შეიმუშავებს განსარიდებლის ინდივიდუალური შეფასების ანგარიშს, განრიდების სარეკომენდაციო ღონისძიებებს და ხელშეკრულების სარეკომენდაციო პირობებს. ანგარიშის საფუძველზე პროკურორი სოციალურ მუშაკთან, ხოლო მედიაციის შემთხვევაში - მედიატორთან ერთად განსაზღვრავს განრიდების ღონისძიებას და ხელშეკრულების პირობებს. პირობების ჩამოყალიბებისას პროკურორი, სოციალური მუშაკი და მედიატორი ითვალისწინებენ დაზარალებულის ინტერესს და მოქმედებენ განსარიდებლის საუკეთესო ინტერესების გათვალისწინებით. შესაბამისად, ხელშეკრულების პირობად აგრეთვე შეიძლება განისაზღვროს, ზიანის ანაზღაურება ან/და დაზარალებულისთვის ბოდიშის მოხდა საქმის ინდივიდუალური მახასიათებლების გათვალისწინებით.

გარდა ზემოაღნიშნულისა, მას შემდეგ, რაც პროკურორი მიიღებს განრიდების გადაწყვეტილებას და საქმეს ჰყავს დაზარალებული, საქმეში ერთვება მედიატორი, რომელიც არის ნეიტრალური პირი. მედიატორის მიზანია დაზარალებულსა და დანაშაულის ჩამდენ განსარიდებელს შორის მოლაპარაკების წარმოება, შერიგებაში დახმარება და ზიანის ანაზღაურების ფორმაზე შეთანხმება. მედიატორი დაზარალებულსა და განსარიდებელს აწვდის დეტალურ ინფორმაციას მედიაციის არსის, პროცედურების შესახებ და უხსნის მათ მედიაციის მნიშვნელობას. დაზარალებულის თანხმობის შემთხვევაში, მოლაპარაკების პროცესის დასრულების შემდეგ მედიატორი მართავს შეხვედრას (ე.წ. მედიაციის კონფერენციას) რა დროსაც დაზარალებული და განსარიდებელი პირადად ხვდებიან ერთმანეთს. ყველა მხარესთან შეთანხმებით დგება სამოქალაქო ხელშეკრულება, რომელსაც ხელს აწერენ: განსარიდებელი, მისი კანონიერი წარმომადგენელი (18 წლის ასაკს მიულწეველი პირის განრიდების შემთხვევაში), მედიატორი და დანაშაულის შედეგად დაზარალებული პირი. ხელშეკრულების შესაბამისად, განრიდების ღონისძიებასთან ერთად 21 წელს მიულწეველი პირს მიეწოდება მისთვის საჭირო სერვისები და დაეკისრება დაზარალებულის ან/და საზოგადოების წინაშე მოვალეობები, რომელთა შემუშავებაში მედიატორიც იღებს მონაწილეობას. განრიდებულს დაეხმარებიან სახელმწიფო და სხვადასხვა არასამთავრობო ორგანიზაციები.

იმ შემთხვევაში, თუ საქმეს არ ჰყავს დაზარალებული, ან დაზარალებული წინააღმდეგია მედიაციის პროცესში მონაწილეობაზე, აღნიშნული არ აბრკოლებს განრიდების პროცესს და პროკურორი უფლებამოსილია გააფორმოს 21 წელს მიუღწეველი პირთან ხელშეკრულება განრიდების შესახებ. ამასთან, დაზარალებულს უფლება აქვს ნებისმიერ დროს ჩაერთოს მედიაციის პროცესში. ხელშეკრულების გაფორმების შემდეგ, 21 წელს მიუღწეველი პირის მიერ ხელშეკრულების პირობების შესრულებას მეთვალყურეობას უწევს სოციალური მუშაკი. არსებობს იმის შესაძლებლობა, რომ განრიდებულმა არ გამოიყენოს მისთვის მიცემული შანსი და დაარღვიოს ხელშეკრულების პირობები. ამ შემთხვევაში, სოციალური მუშაკი განრიდებულის საქმეს კვლავ პროკურორს დაუბრუნებს. პროკურორი კი უფლებამოსილია ხელახლა დაიწყოს სისხლისსამართლებრივი დევნა მის მიმართ. ასეთი შესაძლებლობის არსებობამ კარგად უნდა დააფიქროს განრიდებულმა და უზრუნველყოს მის მიერ ნაკისრი ვალდებულებების ჯეროვნად შესრულება.

2014 წლის ნოემბრამდე დანაშაულის ჩამდენი არასრულწლოვნის განრიდებისა და მედიაციის პროგრამაში ჩართვა შესაძლებელი იყო იმ შემთხვევაში თუ მის მიერ ჩადენილი დანაშაული წარმოადგენდა ნაკლებად მძიმე დანაშაულს. 2014 წლის 11 ნოემბრიდან პროგრამა გავრცელდა მძიმე კატეგორიის დანაშაულებზეც. აღნიშნული ცვლილებებით შეიცვალა და დაიხვეწა 2010 წლიდან პროგრამის პრაქტიკაში გამოყენებისას გამოვლენილი ხარვეზები და სხვადასხვა პროცედურული საკითხებიც. მათ შორის, დაწესდა პროგრამაში მომუშავე პროფესიონალობის სამუშაო ვადები. ასევე, თუ წინათ მედიაციის შესახებ დაზარალებულს ინფორმაციას პროკურორი აწვდიდა და მხოლოდ დაზარალებულის მედიაციის პროცესში მონაწილეობაზე თანხმობის შემთხვევაში ერთვებოდა მედიატორი, დღეისათვის იგი პროცესში პროკურორის მიერ განრიდების შესახებ გადაწყვეტილების მიღებისთანავე ერთვება, რაც ზრდის მედიაციით დასრულებული საქმეების რაოდენობას. შესაბამისად, ამცირებს დანაშაულებრივი ქმედების შედეგად დაზარალებულსა და განრიდებულს შორის წარმოშობილი კონფლიქტების რაოდენობას და ზრდის, კმაყოფილ დაზარალებულთა რიცხვს.

2016 წლის 1-ლი იანვარს ამოქმედდა საქართველოს კანონი „არასრულწლოვანთა მართლმსაჯულების კოდექსი“, რომელის მიხედვითაც ბევრ სხვა ნოვაციასთან ერთად კიდევ უფრო დაიხვეწა და გაუმჯობესდა განრიდების მექანიზმი. კოდექსის მიხედვით, განრიდება გახდა პრიორიტეტული და კრიტერიუმების არსებობის შემთხვევაში, პროკურორი ვალდებულია პირველ რიგში, განიხილოს განრიდების შესაძლებლობა და მხოლოდ შემდეგ დაიწყოს ფიქრი სისხლისსამართლებრივ დევნაზე. განრიდება გავრცელდა 14-18 წლის არასრულწლოვნების გარდა, 18-დან 21 წლამდე პირებზეც. განრიდების უფლებამოსილება აგრეთვე მიენიჭა სასამართლოსაც. კერძოდ, 2016 წლის 1-ლი იანვრიდან მოსამართლე უფლებამოსილია მხარის შუამდგომლობით, ან/და საკუთარი ინიციატივით საქმე დაუბრუნოს პროკურორს განრიდების მიზნით. მნიშვნელოვანი ცვლილება აგრეთვე არის ის, რომ მედიატორის როლი კიდევ უფრო გაიზარდა. კოდექსის მიხედვით, პროკურორისა და სოციალური მუშაკის დასწრება მედიაციის კონფერენციაზე სავალდებულო აღარაა.

2018 წელს განხორციელებული მნიშვნელოვანი აქტივობები

2018 წლის 28 თებერვალს, „ევროკავშირის სასამართლოს მხარდაჭერის პროექტის“ მიერ მოწვეულ ექსპერტთან გაიმართა სამუშაო შეხვედრა მედიაციის ხარისხის კონტროლის მექანიზმთან დაკავშირებით სსიპ დანაშაულის პრევენციის ცენტრის მედიაციის სახლში. სამუშაო შეხვედრა მიზნად ისახავდა მედიაციის ხარისხის კონტროლის მექანიზმის შესახებ საერთაშორისო გამოცდილების გაზიარებას და სისხლის სამართლის მიმართულებით, ქართული გამოცდილების გათვალისწინებით შესაძლო ხარისხის კონტროლის მექანიზმების ექსპერტთან ერთად განხილვას. აღნიშნული ექსპერტის მონაწილეობით, 2018 წლის პირველ მარტს გაიმართა სამუშაო შეხვედრა მედიატორთა და განრიდების პროგრამების განხორციელების პროცესში ჩართული სხვა უწყებების წარმომადგენლების მონაწილეობით.

2018 წლის 11 და 12 ივლისს, ევროკავშირის „სასამართლოს მხარდაჭერის პროექტის“ მხარდაჭერითა და მოწვეული ექსპერტის ჩართულობით გაიმართა ტრენინგი აღდგენით მართლმსაჯულებაში მედიატორების, სოციალური მუშაკებისა და სხვა უწყებების წარმომადგენელთათვის. ტრენინგი მიზნად ისახავდა აღდგენით მართლმსაჯულებაში მონაწილეთა ცონის ამალგებას და სისხლის სამართლის/აღდგენითი მართლმსაჯულების საკითხებში საერთაშორისო გამოცდილების გაზიარებას.

2018 წლის 21 ნოემბერს გაიმართა კონფერენცია „თბილისის მედიაციის დღეები“, ხოლო 22 ნოემბერს - კონფერენცია „არასრულწლოვანთა განრიდება და მედიაცია“, აქტივობები განხორციელდა ევროკავშირის „სასამართლოს მხარდაჭერის პროექტის“ ფინანსური და ინტელექტუალური მხარდაჭერით.

2018 წლის 23 ნოემბრიდან 25 ნოემბრის ჩათვლით, გაეროს ბავშვთა ფონდისა და ევროკავშირის სასამართლოს მხარდაჭერის პროექტის ფინანსური და ინტელექტუალური მხარდაჭერით, ასევე მოწვეული ექსპერტების ჩართულობით გაიმართა სამუშაო შეხვედრა თემაზე „მედიატორთა პრაქტიკული უნარ-ჩვევების განვითარება“. აღნიშნულ დღეებში გაიმართა ასევე სუპერვიზიისა და ინტერვიუების სესიები მედიატორთა და ექსპერტის ჩართულობით. ჯამში, წლის განმავლობაში გაიმართა 6 ინტერვიუების სესია.

აშშ-ს ნარკოტიკებთან ბრძოლისა და კანონის აღსრულების საერთაშორისო ბიუროს მხარდაჭერით, მედიაციის საკითხებში გადამზადების 20 დღიანი (139 საათი) კურსი გაიარა სსიპ დანაშაულის პრევენციის ცენტრის ექვსმა ახალმა მედიატორმა. კურსი მოიცავდა შემდეგ მიმართულებებს:

1. შესავალი მედიაციაში (7 დღე, 49 საათი):
2. მედიაცია სისხლის სამართალში (8 დღე, 56 საათი):
 - ფსიქოლოგიური ნაწილი (5 დღე, 35 საათი):
 - სამართლებრივი ნაწილი (3 დღე, 21 საათი):
3. სპეციალიზაცია არასრულწლოვანთა მართლმსაჯულებაში (5 დღე, 34 საათი):
 - ფსიქოლოგიური ნაწილი (3 დღე, 20 საათი):
 - სამართლებრივი ნაწილი (2 დღე, 14 საათი):


პროგრამების შედეგები (სტატისტიკური მონაცემები)

2018 წლის განმავლობაში განრიდებულ იქნა 897 პირი, აქედან 497 არასრულწლოვანი (14-დან 18 წლამდე) და 400 სრულწლოვანი (18-დან 21 წლამდე). 366 პირის მიმართ გამოყენებულ იქნა მედიაცია და შედგა 290 მედიაციის საერთო შეხვედრა.


2010 წლიდან 2018 წლის ჩათვლით, საერთო ჯამში, განრიდებულ იქნა 3632 21 წელს მიულწეველი პირი.

2018 წლის განმავლობაში, განრიდების პროგრამებთან დაკავშირებული დეტალური სტატისტიკური მონაცემები:


წლებისა და ასაკობრივი კატეგორიის მიხედვით



სტატისტიკური მონაცემები რეგიონების მიხედვით




სტატისტიკური მონაცემები თვეების მიხედვით 2018 წელს




სტატისტიკური მონაცემები სქესისა და ასაკობრივი კატეგორიის მიხედვით 2018 წელს

■ 14-დან 18 წლამდე ■ 18-დან 21 წლამდე




სტატისტიკური მონაცემები დანაშაულთა და ასაკობრივი კატეგორიების მიხედვით

■ 14-დან 18 წლამდე ■ 18-დან 21 წლამდე




სტატისტიკური მონაცემები დანაშაულის კატეგორიისა და დანაშაულის ჩადენის დროს ასაკის მიხედვით




სტატისტიკური მონაცემები ხელშეკრულების ხანგრძლივობის მიხედვით


■ 18-დან 21 წლამდე ■ 14-დან 18 წლამდე




წარმატებით დასრულებული მედიაციის საქმეები




წარმატებით დასრულებული მედიაციის კონფერენციები წლების მიხედვით 14 დან 21 წლის ასაკამდე პირებს შორის




წარუმატებელ მედიაციასთან დაკავშირებული მაჩვენებელი 2018 წელს



მედიაციის მაჩვენებელი არასრულწლოვნებს შორის იმ საქმეებში, სადაც დაზარალებული არსებობდა




მედიაციის პროცენტული მაჩვენებელი 21 წლის ასაკს მიუღწეველ სრულწლოვნებს შორის იმ საქმეებში, სადაც დაზარალებული არსებობდა



დაზარალებულთა მონაცემები

■ 14-დან 18 წლამდე განრიდებული ■ 18-დან 21 წლამდე განრიდებული




იურიდიული პირი


ფიზიკური პირი

დაზარალებულის გარეშე

2018 წლის მონაცემები რაიონული და საოლქო პროკურატურების მიხედვით 14-დან 21 წლამდე პირებს შორის



სტატისტიკური მონაცემები თბილისის მასშტაბით რაიონული პროკურატურების მიხედვით 2018 წელს



განრიდებულ პირთა ხელშეკრულების ხშირად გამოყენებული პირობები

სერვისები და ვალდებულებები

განათლება

- წაიკითხოს სკოლის მოსწავლეებისათვის განკუთვნილი სხვადასხვა წიგნი, მაგ.: „სამართლის ქალაქი“, და სხვა მხატვრული ან სხვა ჟანრის ლიტერატურა;
- დაწეროს ესე სხვადასხვა საკითხთან დაკავშირებით (მაგ.: დანაშაულის მაპროვოცირებელი მიზეზები, მისი შედეგები და თავიდან აცილების გზები, ჩემი ცხოვრება ათი წლის შემდეგ, რომ არა განრიდების პროგრამა, ავტოსაგზაო შემთხვევათა გამომწვევი მიზეზები და მათი თავიდან არიდების გზები, ჩემი უფლებები და ვალდებულებები, თუ ჩემთვის მნიშვნელოვანს სხვა მომპარავს, და სხვა.);
- ჩაერთოს კულტურულ-საგანმანათლებლო აქტივობებში;
- გააუმჯობესოს სკოლაში აკადემიური მოსწრება, აკონტროლოს საკუთარი ქმედება და დაიცვას კანონი;
- მოიძიოს ინფორმაცია საქართველოში ავტოსაგზაო შემთხვევების შესახებ და გააკეთოს ავტოსაგზაო შემთხვევების შედეგებისა და გამომწვევი მიზეზების შესახებ ანალიზი, საჭიროებისამებრ, სოციალური მუშაკის დახმარებით;
- კომპიუტერის შემსწავლელ კურსებში ჩართულობით გაიუმჯობესოს შესაბამისი უნარ-ჩვევები;
- სამართლებრივი ცნობიერების ამაღლების მიზნით, საქართველოს კანონმდებლობიდან წაიკითხოს სოციალური მუშაკის/პრობაციის ოფიცრის მიერ შერჩეული კანონი/მუხლ(ებ)ი;
- საბუნებისმეტყველო საგნის პედაგოგის დახმარებით მოამზადოს პრეზენტაცია სკოლიდან მოპარული ნივთების საჭიროებასა და სასკოლო ცხოვრებაში გამოყენების თაობაზე;
- ქართულ ენაზე წერა-კითხვის გაუმჯობესების მიზნით შეასრულოს პრობაციის ოფიცრის/სოც.მუშაკის მიერ შერჩეული სხვადასხვა დავალება;
- მოიძიოს ინფორმაცია ძალადობრივი ქმედების, მათი შედეგების შესახებ და წარუდგინოს სოციალურ მუშაკს/პრობაციის ოფიცერს;
- მიეწოდოს ინფორმაცია ფსიქო-აქტიური ნივთიერებების მოხმარების უარყოფითი შედეგების შესახებ და წარუდგინოს მიღებული ინფორმაცია სოციალურ მუშაკს/პრობაციის ოფიცერს;
- იაროს სოციალურ საწარმოში თექაზე მუშაობის შესწავლის მიზნით;
- სოციალური მუშაკის/პრობაციის ოფიცრის მიერ შერჩეულ თემაზე მოამზადოს ფოტოკოლაჟი;
- გაეცნოს შესაბამის ლიტერატურას, მოიძიოს წყაროები და მოამზადოს ანალიტიკური ესე ფსიქოაქტიური ნივთიერებების და კონკრეტულად, მარიხუანას ნეგატიური გავლენის შესახებ.

ფსიქო-სოციალური რეაბილიტაცია

- ჩაერთოს მოხალისეობრივ საქმიანობაში და დაეხმაროს საქველმოქმედო ორგანიზაციას;
- ჩაერთოს ტრენინგ-კურსში „ცხოვრებისეული ფასეულობები“;
- ჩაერთოს ტრენინგ-კურსში „კომუნიკაცია“;
- ჩაერთოს ტრენინგ-კურსში „ასერტიული ქცევა“;
- ჩაერთოს ტრენინგ-კურსში „დანაშაულის გაცნობიერება“;
- გაიაროს ინდივიდუალური კონსულტაციები ფსიქოლოგთან შესაბამისი საჭიროების მიხედვით. მათ შორის, სტრესული გამოცდილების დაძლევის, თამაშდამოკიდებულების დაძლევის და სხვა მიზნით;
- ჩაერთოს ტრენინგ-კურსში „ჯანსაღი ცხოვრების წესი“, თამბაქოს მოხმარების შეწყვეტის მიზნით;
- ჩაერთოს ტრენინგ-კურსში „ბრაზის მართვა“;
- ჩაერთოს სარეაბილიტაციო პროგრამაში „მომავლის დაგეგმვა“;
- ჩაერთოს ტრენინგ-კურსში „ცხოვრებისეული რისკები და საჭიროებები“;
- ჩაერთოს ტრენინგ-კურსში „პოზიტიური აზროვნება“;
- ანტისოციალური ქცევის პრევენციის მიზნით, ჩაერთოს არასამთავრობო ორგანიზაცი(ებ)ის მიერ შემოთავაზებულ სარეაბილიტაციო პროგრამებში;
- მოხალისეობრივი აქტივობებით ჩაერთოს საქველმოქმედო ორგანიზაციის მიერ დაგეგმილ ღონისძიებებში;
- გაიაროს კონსულტაციები სოციალურ მუშაკთან დანაშაულის უკეთ გააზრების, ალკოჰოლის არამართლზომიერად მოხმარების, აზარტული თამაშების მავნე ზეგავლენის, ნერვული პრობლემების სამედიცინო გზით მოგვარების აუცილებლობის გაცნობიერების მიზნით;
- ჩაერთოს ტრენინგ-კურსში „სტრესის მართვა“;
- მიიღოს ფსიქოლოგის/ფსიქიატრის მომსახურება დესტრუქციული ქცევების შემცირების მიზნით;
- ჩაერთოს პროექტის „skye club“ ღონისძიებათა ციკლში;
- ჩაერთოს ტრენინგ-კურსში „ადიქტოლოგია-ჩავარდნის პროფილაქტიკა“
- ჩაერთოს ტრენინგ-კურსში „საზოგადოებასთან ინტეგრაციის პროგრამა“;
- ჩაერთოს საქართველოს პროკურატურის პროექტის „საზოგადოებრივი პროკურატურა“, ფარგლებში განხორციელებულ აქტივობებში;
- დაესწროს არასამთავრობო ორგანიზაციის მიერ განხორციელებულ ტრენინგებს შემდეგ თემებზე: „ადრეული ქორწინება“, „ბულინგი“, „დამოკიდებული ქცევა“ და ა.შ.

შეზღუდვები და სხვა ვალდებულებები

- სასკოლო სასწავლო პროცესის ფარგლებში გაკვეთილებზე დროულად გამოცხადებისა და გაცდენის შეზღუდვა;
- საცხოვრებელი ადგილის შეცვლის შეზღუდვა მასთან მომუშავე პროფესიონალების ინფორმირების გარეშე;
- შინიდან გასვლის შეზღუდვა დღის განსაზღვრულ მონაკვეთში (ძირითადად, ღამის საათებში) და შესაბამისი გამონაკლისით;
- ქალაქიდან გასვლის შეზღუდვა პროკურორისა და სოც. მუშაკის ნებართვის გარეშე;

- თავი აარიდოს აზარტულ სათამშო კლუბებში შესვლას, ასევე არ დაამყაროს ურთიერთობა იმ პირებთან, ვინც შეიძლება შეუწყოს ხელი მის ანტისაზოგადოებრივ საქმიანობაში ჩართვას;
- მოერიდოს თავისუფალ დროს, თავშეყრის ადგილებში ყოფნას და არ მიიღოს ალკოჰოლი;
- მოიძიოს ინფორმაცია დაზარალებული იურიდიული პირის საქმიანობის სპეციფიკის, მისი დაარსებისა და საქმიანობის სფეროს შესახებ.

დაზარალებულის წინაშე ვალდებულებები

- დაზარალებულს აუნაზღაუროს მიყენებული მატერიალური ზიანი;
- ბოდიში მოუხადოს დაზარალებულს;
- დაეხმაროს დაზარალებულს დაზიანებული ნივთის შეკეთებასა და მოვლაში;
- დაეხმაროს დაზარალებულს მაღაზიაში სხვადასხვა საქმიანობაში;
- მოახდინოს დაზარალებული იურიდიული პირის ვებ-გვერდის ტექნიკური უზრუნველყოფის პერიოდული კონტროლი, გამოავლინოს ხარვეზები და შესაბამისი ანგარიში წარუდგინოს მას;
- მიწეროს წერილი დაზარალებულს, სადაც უამბობს საკუთარი თავის, თავისი ქმედების შესახებ და მისდამი დამოკიდებულების შესახებ;
- მონაწილეობა მიიღოს დაზარალებული ორგანიზაციის ვებ-გვერდის ადაპტირებაში შეზღუდული შესაძლებლობების მქონე პირთათვის.

სპორტი და ხელოვნება

- დაკავდეს ხეზე კვეთით და წარმოადგინოს ხისგან დამზადებული ნაკეთობა;
- არასამთავრობო ორგანიზაციის ბენეფიციარები ავარჯიშოს რაგბში, ფეხბურთში;
- იაროს სპორტის უფასო წრეზე;
- დაეხმაროს მწვრთნელებს ასაკით უმცროსი მოჭიდავეებისათვის გაკვეთილების ჩატარებაში.

საზოგადოებისთვის სასარგებლო აქტივობები

- მიიღოს მონაწილეობა ეკლესიის დასუფთავებაში;
- დაეხმაროს საბავშვო ბაღის პერსონალს სხვადასხვა აქტივობებში;
- დაეხმაროს საქველმოქმედო ორგანიზაციას სოციალურად დაუცველი მოხუცების კვებით უზრუნველყოფის პროცესში;
- მიიღოს მონაწილეობა სახლმუზეუმის დასუფთავების აქტივობაში;

- იაროს სოციალურად დაუცველ ბავშვთა დღის ცენტრში და დაეხმაროს ბავშვებს, წაუკითხოს მათ ზღაპრები და მოთხრობები, შეასწავლო ქართული ხალხური ცეკვა, ორიგამის ხელოვნება, კომპიუტერული პროგრამირება, დაეხმაროს საგნობრივი სირთულეების დაძლევაში, ჩაუტაროს მუსიკის გაკვეთილები;
- მიიღოს მონაწილეობა კულტურის ცენტრთან არსებული ბიბლიოთეკის კარტოთეკის დალაგების პროცესში;
- დაეხმაროს სოფელში მცხოვრებ მარტოხელა მოხუცს საოჯახო და სასოფლო-სამურნეო საქმიანობაში;
- კეთილმოწყობის სამსახურის მომსახურე პერსონალს დაეხმაროს ქალაქის გამწვანების საქმეში;
- მიუსაფართა სასადილოდან მიუტანოს კუთვნილი ულუფა მოხუცებს;
- დაეხმაროს შშმ პირებს სხვადასხვა საქმიანობაში;
- დაეხმაროს საჯარო სკოლის დირექციას სკოლის ეზოსა და შენობის მოწესრიგებაში;
- ჩაერთოს მოხუცთა დღის ცენტრში მუსიკალური სადამოს საორგანიზაციო აქტივობებში;
- მოამზადოს პრეზენტაცია ბულინგის თემაზე და წარადგინოს სკოლის მოსწავლეებთან;
- დაეხმაროს სკოლამდელი აღზრდის ცენტრის დირექციას სამსახურეობრივ საქმიანობაში.



განრიდება



პრობაციის
ეროვნული
სააგენტო